



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XVIII. Diligam te Domine fortitudo mea.

urn:nbn:de:hbz:466:1-44993

9. Improbis raptæ cupidisque prædæ
Hostibus circum premor, atque densa
- 10 Corporum mole, & grauibus minantum
Vocibus angor.
- 11 Qua pedem simplex moueam; notantes
Signa perlustrant oculisque acutis
Quæ plagas tendant, laqueosque terræ in
Pulvere celent.
- 12 Qualis est prædæ rabido leoni
Ardor; occultis, catulo aut feroci,
Qui fame obseruans stimulante, captæ
Tempora, lustris.
- 13 Ergo præuerte & rapidos furores
Dissipa exurgens, famuli tuique,
Improbis, isto gladio petitam,
Eripe vitam.
- 14 Eripe ingenti auxilio manuque
Me viris IAS nimium prophanis,
Grata præsentis quibus vsque constant
Munera vitæ.
His, tuis, venter fatur est avarus,
Quas mare & tellus epulas recondit;
Plurima his diues soboles vel ipsis
Reliquijs est.
- 15 Ast mihi fortis satis est beatæ,
Istius iusti speciem nitoris
Cernere; vtque in me tua, te benigno,
Surgat imago.

PSALMVS XVIII.

Diligam te Domine fortitudo mea.

PIA GRATVLATIO.

- 1 Ad præstantem famuli Domini, David inquam, qui
locutus est Domino verba cantici huius, quo die li-
berauit Dominus ipsum è palma omnium hostium
suorum, & è palma Saulis, & dixit:

Ode Dicolos Distrophos.

- 2 **V**isceribus totis IAS te semper amabo,
Qui mea vis, mea robora solus.
- 3 Rupes præsidiumque meum est, me liberat IAS;
Is meus est FORTIS, mea petra;
Cui nitor, clypeusque mihi, cornuque salutis
Cunctis perfugiumque periculis.

C ♣

Inuoco

PSALMORVM

- 4 Inuoco dum supplex illustrem laudibus I A M,
Hostibus eripior violentis.
- 5 Me mors lethiferis laqueis ambire, malorum
Certabant turbare fluera.
- 6 Undique cingebant atri tormenta sepulchri
Me, prætensaque vincula mortis.
- 7 I A M æger pressusq. voco (mihi N V M I N A nota)
Constituto clamore cietur.
Audijt ille meam vocem, questumque superna
Præsentem auribus excipit arce.
- 8 Tunc concussa alto tremefactaque terra fragore est;
Montesque ab radicibus imis
Contremuere graui turbati numinis ira,
Quam nec ferre queat ferus orcus.
- 9 Illius in vultu fumus, deque ore perurens
Ignis carbonisque volabant.
- 10 Destititque polis descendit, subdita nubes
Densa pedes occultat eunti.
- 11 Cherubeo inuectus curru fecat aëra pennis,
Quas venti mouere volucres,
- 12 Obscuraque latens caligine nubibus vnda
Densatis tentoria figit.
- 13 Illo densa etiam nubes fulgente soluta est,
Carbo micans grandoque ruebat.
- 14 Intonuitque polis I A S, vocemque supernus
Edit agens cum grandine fulgur.
- 15 Fulminaque ingeminat (sua tela) ac discutit hostes,
Crebro & fulgure perdit iniquos.
- 16 Tunc & aquis exhausta solo patuere profundo
Flumina, tunc imi situs orbis.
Tantum I A S tua vox valet immutare, minax cum
Spiritus ille grauis tonat ira.
- 17 Ille manum eripiens mihi tunc porrexit ab alto,
Meque altis protraxit ab vndis.
- 18 Sic ex hoste fero me liberat, atque potentum
Quæ me presserat inuida turba.
- 19 Illi etenim, cum iam strages inopina teneret,
Me subito pressere tumultu.
- 20 Sed mihi præsidium est I A S, baculusque labanti;
Ille lætum me duxit in amplum.
Illo ego sum duris ereptus vindice rebus,
Illo inquam mihi numine dextro.
- 21 Integritati I A S nostræ suâ iura reponit,

Inimicus

22 Qu

23 Cu

24 Si

25 Iu

26 Ip

27 Si

28 Pa

29 I

30 T

31 I

A

32 C

33 F

34 C

35 I

36 I

C

37 I

38 I

39

40

Immunesque manus probat idem.

22 Quippe vias IAE tenui, nec PRINCIPIS vnquam
Vlla mei mandata refregi.

23 Cuncta mihi ante oculos etenim consulta Tonantis,
Cuius nec decreta refugi:

24 Simplicitas mea certa illi studiumque cauendi
Delicti molimina prauis.

25 Iusque meum, immunesque manus qui nouerat IAS,
Reddidit ipse mihi vsque benignus.

26 Ipse pijs pius esque viris, esque integer idem
Integer, facilisque patronus:

27 Simplicibus simplex, inuisa fraude dolosis
Callidus es, cautusque vaserque.

28 Pauperis es populi seruator, deiecis altum
Factum hominumque oculosque superbos.

29 IAS tu nostrae fers lumina clara lucernae;
Is tenebras mihi discutit auctor.

30 Te duce per cuneos penetto, praecinctaque muris
Transiliens feror oppida victor.

31 Integer es FORTIS, solidis quoque moribus, IAE
Omnia purgatissima dicta.

AENEUS est clypeus cunctis qui spemque fidemque
Hoc vno fixere patrono.

32 Quodnam etenim numen praeter memorabitur IAM?
Quae tutela, meus nisi PRINCEPS?

33 FORTIS is est, qui praualido me robore cingit,
Instrauitque viam mihi firmam.

34 Qui facit vt possim pedibus praecurrere ceruas,
Atque iugis consistere in altis.

35 Ille meas ad bella manus exercet, & arcus
Dat chalybum his fregisse lacertis.

36 Ipse salutarem clypeum mihi porrigis, atque
Dexter ades, me & numine fulcis.

Quoque magis me velle pati mala dura videris,
Hoc magis me amplificat tua virtus.

37 Ipse meum extendis gressum, perque ardua firmis
Tu mihi das percurrere talis;

38 Hosteis vt penitus valeam tenuisse secutus,
Non vllisque reuertar inultis:

39 Vulnere nequicquam conatos sistere nostris
Sub pedibus cumulabo cruento.

40 Tu me namque alacri accingens ad bella vigore,
Cunctos iustos mihi flectis.

- 41 Tuque hosteis mihi terga dare ac mihi cedere cogis;
Cæsa cadit mihi & inuida turba.
- 42 Auctorem casto illi I A M clamore salutis
Tunc furdum in sua vota vocabunt.
- 43 Quos ego comminam ceu nubem pulueris Eurus,
Utque lutum tenuabo viarum.
- 44 Præcipitis mihi tu sedas studia improba vulgi;
Tuque caput me gentibus addis:
- 45 Ignotumque mihi populum seruire vel ipsa
Fama, mihi & parere iubebit,
- 46 Quique alias partes studio feruente fouebant,
Se simulare meos properabunt.
Frondebis en similes illi fluxere, suisque
In septis tremuere pauentes.
- 47 Vinat peira mea, & victor celebretur & altus
I A S atque Deus mihi faustus. (pressi,)
- 48 F O R T I S & ille, hosteis quo vindice & auspice
Quo populos ad fræna coegi.
- 49 Ille & me incolumem eripuit quoque ab hostibus, alitum
Me super infestos dedit hosteis.
Liberum ab iniustis conatibus usque ferocis
Me dedit ille virique potentis.
- 50 Ergo tuas I A S laudes perregna per omnes
Ipse memor referam bene gentes.
Carminibusque tuum celebrabo in tempora nomen
Gentibus à cunctis referendum.
- 51 Te mihi sacrato regi auctoremque salutis
Cantabunt semperque fauentem:
Teque David regnum ac sobolem creuisse benigno
Cuncta canent ex ordine sacra.

P S A L M V S X I X .

Cæli enarrant gloriam Dei.

D I V I N O R V M C O N T E M P L A T I O
A B S O L V T A .

1 Ad præstantem, Psalmus David. Ode Sapphica.

2 F O R T I S immensum decus & potentis
Dextere numen docet inde apertum
Siderum cursu radiante cælum,
Narrat & æther.

3 Dicit hinc certis numeris dierum
Ordo; nec fuscis variata vultus
Nox tacet, magni aut patitur latere

P R I N C I P I S artem.

Nullus